

淮海集

五

淮海後集目錄

卷之一詩

進南郊慶成詩

幽眠

越王

墮星石

山陽阻淺

次韻參寥羣老

送洪景之循州參軍

茶

茶臼

石魚

劉公幹

贈醫者鄒放

贈張潛道

荷花

酬曾逢原參寥見寄

吳興道中

無題二首

喜雨得城字

東城被盜得世字

夢伯牧文公

送佛印

流觴亭

蓬萊閣

送羅正之提刑

卷之一

秋夜病起懷端叔

送孫誠之尉北海

抱甕

讀列子

和顯之長老

清夜

南池

和王定國

宿金山

別賈耘老

李端叔見寄次韻

陳令舉妙奴詩

自警

陪李公擇觀金地佛牙

雪浪石

和蔡天啓贈文潛之什

早春

赴杭倅至汴上作

無題

織錦圖五首

卷之三 詩

次韻孔彥常曝書

次韻辛老

送陳太初道錄

贈蘇子瞻

次韻安州晚行

題五柳亭

觀寶林塔張燈

還自湯泉十四韻

次韻辨才

次韻公闢二首

次韻公闢即席呈太虛

次韻公闢蓬萊閣

次韻公闢聞角

寄公闢

呈公闢

奉和辛老

中秋致語

致政通議口號致語

口號

悼王子開五首

卷之四 詩

秋興九首

擬韓退之
擬王季川

擬孟郊
擬杜子美

擬李應物
擬杜牧之

擬李賀
擬李白
擬樂天

金山晚眺

病中

閨廬

冬蚊

白馬寺晚泊

雪上感懷

和程給事判六首

處州閑題

春詞五首

秋詞二首

齊逸亭

春日

雪中寄丹元子

宿乾明方丈

新開湖送孫誠之

呈李公擇

落日馬上

次韻參寥三首

和書賀秘監堂三首

和書觀妙庵

早春題僧舍

盆池釣翁

賞醖醕有感

首夏

卷之五 雜文

代蘄州謝上表

代程給事乞祝聖表

坤成節功德文疏

代荅范相公啓

賀孫中丞啓

賀吏部傅侍郎啓

代何提舉賀樞密啓

賀門下呂僕射啓

謝潁州呂吏部啓

荅丁彥良書

與許州范相公書

祭監稅主簿文

卷之六 雜文

雜說

通事說

蠶書

種變

時食

制居

化治

錢眼

鎖星

添梯

車

禱神

戎治

書丁彥良明堂議

錄龍井辯才事

書王氏齋壁

題彭景山傳神

淮海間居集序

清和先生傳

法雲長老然香會疏

請立程給事祠堂狀

精騎集序

故龍圖閣直學士中大夫知成都府李公行狀

淮海後集目錄

淮海後集卷之一

秦觀少游

進南郊慶成詩

并表

右臣伏覩皇帝陛下肇修典禮冬日之至親有事於南郊仍復祖宗故事以皇天地祗合登前期之日陰雲蔽空將祀之夕月纒畢宿詩云月離于畢俾滂沱矣於法當雨而是夜開霽特甚晏溫星月昭明禮畢之明日雨雪乃作朝市郊野相告欣然頌嘆之聲形于中外非一聖有作上當天心神祗顧享何以逮此臣雖疎賤通籍祕省預見熙事不勝大馬區區之情輒將輿人之頌撰成郊禮慶成五言二十韻詩一首隨狀上進干冒宸嚴臣無任瞻天望聖激切屏營之至

於赫龍飛後中區八月秋合嚴天地祀遠繼祖宗休熙
事將興舉彛童預講諏紛然曲臺議斷自太任謀宗伯
方承命元龜遂告猷三錢封內帑五瑞輯諸侯路寢前
齋玉清宮復射牛長迎南至日圓即自然丘扈蹕三千
劒干霄十二樓鈎陳嚴御座太一奉宸遊好雨虛聞畢
生陽不待鄒浮雲依斗散華月亘天流宵被黃裯却霜
空曲蓋收堪輿同顧饗河嶽盡懷柔麾日初鳴仗旂風
不滿旒回鑾龍入馭傳詔鶴為郵崇慶天難老華胥聖
不憂衣冠千玉簡宇宙一金甌可但豐年屢當知世德
求慙無班馬手作頌配商周

幽眠

幽眠起常晚冬晷復不長中間數十刻倏如驚燕翔晨

食粗云畢申鼓鳴相望忽忽竟何就念之動中腸天地
一逆旅死生猶轉商暫果旋云去遲速乃所常較計亦
何補徒然非慨慷不如聽兩行一槩付酒觴北風吹老
槐白日轉紙窻布衾一覺睡身世成渺茫宿莽冬不衰
蘭蔭幽更芳無庸傷局促速此鬢髮霜

越王

越王念吳役寢興常不安有臣曰種蠡實與同難艱終
酬會稽耻列國不敢干智者見未兆愚夫暗前觀范公
拂衣去扁舟五湖間清輝照四海秋月耿雲端種也竟
不悟處之若無難屬鏤一朝至身與名俱殘免走獵狗
悲鳥盡良弓閑自古身不退多為世所歎

墮星石

蕭然古丘上有石傳隕星胡為霄漢間墜地成此精雖
有堅白姿塊然誰汝靈大眠牛礪角終日蒙羶腥疇昔
同列者到今司賞刑森然事芒角次第羅空青俛仰一
氣中萬化無常經安知風雲會不復歸青冥

山陽阻淺

一日行一尺十日行一丈豈不歎淹留所幸無波浪悲
風動深夜原野眇森爽青天行蟾蜍枯水轉魍魎此時
蓬茅下去心劇於廢棄置勿復論通塞如反掌

次韻參寥子老

迅風薄高林萬象號虎豹紛披枳與棘爾復鼓狂闌我
垣既已頽我棟又以撓豈無一木枝橫力難與較黎明
忽自罷晴日射魚罩死水失狂瀾衰木回故貌勞生真

一作
其夢事往趨如睡覺炊黍焚黃鶉吾其理歸棹

送洪景之循州參軍

寒梅不自重輒花桃李先矯枉有佳菊最後衆芳妍各
因一時美難以相咍憐物理固若是士林亦宜然夫子
南國俊聲猷推妙年數奇晚方偶參軍古龍川龍川雖
云遠風物號清鮮羅浮不相下頡頑嶢荒天雲鬢二三
子聊足奉周旋行矣試老拳歸歟遠翔騫

茶

茶實嘉木英其香乃天育芳不愧杜蘅清堪揜椒菊上
客集堂葵圓月探奩盞玉鼎注漫流金碾響文竹侵尋
發美鬯倚泥生乳粟經時不銷歇衣袂帶紛郁幸蒙巾
笥藏苦厭龍蘭續願君斥異類使我全芬馥

茶臼

幽人耽茗飲，剡木事擣撞。巧制合臼形，雅音侔枳椇。虛室困亭午，松然明鼎窻。呼奴碎圓月，搔首聞錚鏦。茶仙賴君得，睡魔資尔降。所宜玉兔擣，不必力士扛。願借黃金碾，自比白玉缸。彼美制作妙，俗物難與雙。

石魚

佛宮琢琳瑯，懸魚警群聰。緩扣集方袍，急拊趨百工。雖無筍虛器，自協徵與宮。泠然當人心，邈有炎氏風。山泉自疏數，珮玉相玲瓏。朝昏間鍾鼓，清響傳無窮。惟有寶陀山，於音獲圓通。一聞如得解，石鞏亦投弓。

劉公幹

鄴中多賢豪，公幹氣飄逸。弱歲頗徬徨，飄零低金室。君

壬事邀宴下馬列琴瑟豪吹挾哀彈娛歡非一日當年
侍賸酬珠玉在揮筆五字一何工妙絕冠儔匹所得雖
經寄未得偏人失

贈醫者鄒放

百工皆聖作惟醫有書傳緒餘起人死妙處實通天鄒
子本淮海弱齡加計研岐扁逢卷中遂知百病先徃歲
遊京室公侯紛薦延國工不敢妬遣兒求執鞭晚棄本
州役青衫鬢蕭然臨嚮開大肆旁午送金錢嗣子頗不
凡文場早周旋行期拾青紫善積神所憐

贈張潛道

張生何為者落魄不自拘獨携三尺琴笑別妻與孥一
來泊吾里忽已月再虛朝遊故人館暮止佛子廬雖無

食羹餘所樂常晏如我欲有所進生聞勿煩紆若子閑
有道不專塊然居無道祗深適鳴戲亦已愚願生脫塵
鞅從我滄海隅

荷花

方塘收雨脚踏日半遙芙蓉葉淨始始麗服撫翠衾無
言意自遠欲渡秋水深緬懷平生人對此詎可尋弄芳
惜晚晚酒至誰與斟天涯有歸雲聊寄相思心心開獲
清賞芙蓉一何綺美人艷新粧歛袂照秋水端如蕩子
妻顧自良家子黃金選燕趙搖落對江止薄暮風雨來
獨立淚如洗望君君詎知傾宮定誰似

酬曾逢原參寥上人見寄山陽作

倦客當老秋忽忽少佳意孰云塵滓地劉阮肯俱至一

披清骨毛再見失身世有如執盛熱僚月濯涼吹又如
觀巨梓却覘蕭葦細十辰同遨遊不覺日車逝嗟予逃
空虛終日面林翳聞人足音喜况乃道所契方念衣袖
分明月忽我昇眷言何以酬白髮同所詣

吳興道中

黽勉華門下十年守一方胡為御舟者挽我置此傍青
山不肯盡流水故意長雖云道理遠瓦樽有酒漿

無題二首

其一

君子有常度所遭能自如不與死生變豈為憂患渝西
伯囚演易馬遷罪成書性剛趣和樂淺淺非丈夫

其二

世事如浮雲飄忽不相待歛然化蒼狗俄頃成童蓋達
觀聽兩行昧者乃多態舍旃勿重陳百年等銷壞

喜雨得城字

陰陽有常職代御不可并一氣或錯繆愆伏相寇兵惟
時四月交南國馭久晴風師挾帝令呼號肆徂征雲師
畏推逐蓄意不敢爭雨師曠厥官所苟朝夕生黃塵暗
如霧掩彼日月明帝眷一夕回旱議沮莫行畚然需膏
澤夜半來雨霰黎明縱遐眺溝澮各已盈青秧散廣畝
白水涵孤城耕夫欣有託水鳥飛且鳴乃知化工妙悠
然信難名行矣耘我穡歲終竚坻京

東城被盜得世字

野人無機心觸事少防衛所至輒酣寢屢墮索窬計祇